



Mag. St. Dr.

katkomp.

220303

220304

Teol. 4342, 4343.

*Lowinski Christoph. franc. Quaestio theologiae
de praedestinatione.*

Biblioteka Jagiellońska



stdr0004937



In



In Nomine Domini, Amen.

Q U Æ S T I O T H E O L O G I C A,

^{D E}
V I S I O N E D E I,

Ex l. p. Doctoris Angelici q. 12.

A

M. C H R I S T O P H O R O
F R A N C I S C O
S O W I N S K I,

Sacrae Theologiae Doctore & Professore,
Collega Majore, Ecclesiarum Collegiatarum,
S. FLORIANI Decano, Custode Pileccensi, Can-
cellario Posnaniensi, Curato Prossovicensi,
Contubernij Philosophorum, & Scholarum
Novodvorscianarum Provifore,

P R O

Loco inter Clarissimos S. Theol: Doctores,

Publicè ad Disputandum,

In Augusta D. Vladislai Jagellonis Aula,
Lectorio DD. Theologorum,

P R O P O S I T A, X,

Anno Domini, 1691. Die 12. Junij.

CRACOVIAE, TYPIS UNIVERSITATIS.

Q U Æ S T I O

T H E O L O G I C A.

V Intellectus creatus, lumine Gloriæ elevatus, sine aliqua specie creata, videns omnia in DEO; possit videre Essentiam ejus sine Attributis & Relationibus, & è contra, nec ne?

C O N C L U S I O I.

Intellectus creatus ad Visionem DEI lumine Gloriæ elevatur.

C O R O L L A R I A.

- I. Lumen Gloriæ ita requiritur in intellectu creato, ut etiam de absoluta Dei potentia, sine illo, non possit videre Deum, ut est in se.
- II. Intellectus creatus, non potest reddi intrinsecè potens ad videndum DEVM, per solam ejus assistentiam & concursum simultaneum ordinis supernaturalis sine lumine Gloriæ: nec Essentia divina potest illi uniri in ratione luminis Gloriæ.
- III. Licet lumen Gloriæ, ut est in Beatis, sit habitus; habet tamen modum potentie.
- IV. Intellectus lumine Gloriæ perfusus, concurrit ad Visionem DEI, ut causa principalis, & non ut merum instrumentum DEI.
- V. Visio DEI ab intellectu perfuso lumine Gloriæ, non solum attingitur quoad rationem generalem intellectionis; verum etiam quoad suam rationem specificam & atomam.

C O N C L U S I O II.

Intellectus creatus non potest videre DEVM, per speciem creatam, tam Impressam, quàm Expressam; sed ipsa Essentia divina gerit vices utriusq;.

C O R O L L A R I A.

- I. Licet Essentia divina gerat vices speciei, tam Impressæ, quàm Expressæ; non tamen propriè speciei Expressæ, seu verbi, sed solum impropriè.

Essen-

Essentia divina ut gerit vices speciei, activè influit in sui visionem; non tamen necessario, sed liberè.

Quamvis Essentia divina non possit intellectum Beati informare; id tamen non obstat, quin possit supplere vices speciei.

Non rectè sentiunt, qui docent: Lumen Gloria esse speciem impressam, quidditivè representantem Divinam Essentiam.

V. Datâ possibilitate speciei creata in Visione DEI, non est conaturalius DEO & intellectui creato, quòd DEUS, mediante illâ ad Visionem Beatorum concurreret; quàm immediatè per suam essentiam, vices speciei gerentem.

CONCLUSIO III.

Intellectus Beati videt omnia, quæ sunt in DEO formaliter, id est, Essentiam, Attributiones & Relationes.

COROLLARIA.

- I. Intellectus Beati videt etiam ea, quæ sunt in DEO virtualiter, aut Eminentè, id est, Creaturas, tam Existentes & Futuras, quàm Possibiles; non tamen omnes.
- II. Creatura videntur in DEO ab intellectu Beati, ut in Causa, seu medio, prius cognito; non implicat tamen totam collectionem Possibilium in seipsis, quidditivè videri.
- III. Inter Creaturas Possibiles & existentes, aut futuras, respectu Visionis Beatæ, est magna differentia.
- IV. Videntur quoq; in DEO ab intellectu Beati, Decreta eius Libera; sed non omnia.
- V. Quamvis intellectus Beatorum videat omnia prædicta in Deo; non tamen illum comprehendit, nec per absolutam DEI potentiam comprehendere potest.

CONCLUSIO IV.

Intellectus Beati non potest videre Essentiam DEI sine Attributionibus & Relationibus, & è contra.

COROLLARIA.

- I. Implicat quoq; unam Personam videri sine alia.
- II. Ut Personæ Divinæ videantur, sufficit, quòd sola Essentia concurrat ad Visionem Beatam, vice speciei intelligibilis: neq; necessarius est concursus ipsarum Personarum.
- III. Si per impossibile Visio Beatæ ad solam Essentiã DEI terminaretur; non satiaretur plene intellectus Beati.

- IV. *Quamvis possit uniri & communicari Essentia & non Persona: & una Persona sine alia; non sequitur tamen, posse videri Essentiam & non Personas: & unam Personam, non visâ aliâ.*
- V. *Ex intuitiva cognitione sensuum externorum, vel ex alia, quæ fit per medium creatum, non potest deduci, quod non requiratur ad intuitivam Visionem DEI videre omnia, quæ ad eius Essentiam & modum essendi pertinent.*

Cui Laus, Honor & Gloria.



SVB FELICISSIMIS AVSPICIIS,
Magnifici, Perillustri, & Admodum Rñdi Domini,
D.M. FRANCISCI IOSEPHI
PRZEWOSKI,
 S. Th: Doctoris & Professoris, Collegæ
 Majoris, Ecclesiarum Collegiatarum, SS. Omnium
 Crac: PRÆPOSITI, Scholastici Cureloviensis, ad S.
 FLORIANVM Canonici, Korczynen: Curati, Librorum
 per Diœcesim Crac: Ordinarij Censoris, Canonizationis
 Beati IOANNIS CANTII, Procuratoris, Contubernij
 Hierosolymitani Provisoris, S. R. M. SECRETARII,
 ALMÆ VNIVERSITATIS CRACOVENSIS,
 Generalis, & Vigilantissimi
R E C T O R I S.



J. XXII. 30.

n Perso
posse vi
m, non

lia, qua
requira
ad eius

HI

egæ
ium
d S.
um
nis
ij

